

ЛЕНИН'Я

РЕДАКЦИЛЭН АДРЕСЭЗ: УАССР, г. Можга, Можгинской ульча, № 11, выльсь этаж, телефон № 0-32.

ВКП(б)-лэн
Можгаысь
Райкомезлэн,
Райисполком-
лэн но
Горооветлэн
органы.

20 май
1938 ар
№ 31 (536)
9-ти арзэ
потэ

Московской метрополитенлы 3 ар тырмиз

Л. М. Кагановичлэн нимы-
ныз нима Москвской мет-
рополитенлэн нырысь очере-
де лэзем радиусэзы 15 мае
3 ар тырмиз.
3 ар чоже бидэс Москв-
ской подземной чугун сюрес
вылты 640 сюрслэсь уно по-
езд'ёс ветлэмын но 372 мил-

лионлэсь уно пассажир'ёсты
нуллэмын.
3-ти годовщина аяз Мос-
квысь метрополитенлэн под-
земной чугун сюресэз 26,5
километр ёрос кыстыське нн
Бад'зым опытынызы метро-
строевец'ёс подземной ма-
гистральлэсь 3-тиочередьэ
лэстын борды кутскозы.

Большевицской критика улсын

19 мае Можга районьсь
парторганизацилэн отчетно-
выборной собрание э
ворсасыкыз. Собрание
бад'зым жутскем мылкы-
лэн ортчиз. Райкомлэн отчет-
тэ'я прениын выступать ка-
рыны 62 мурт гождыськызы
вал, но выступать каризы 35
мурт.

Коммунист'ёс пöлын поли-
тической будонэн кивалтон
ужез ляб пуктэм сярсь крит-
тика туж лэчыт вал. Полит-
школаос трясэз ёз ужалэ,
нош куд-огез ужало ке но
уй качествон. Кылсярсь,
лесопунктысь парторганизаци-
ын коммунист'ёс политшко-
лае чик дасясыкытэк ветло.
Та вылем ик ужюгдур му-
кет'ёсаз но политшколаосын.
Райком та'че ужпумез тодыса
выльсь политикалы дышет-
скон ужез умятон понна
конкретной ужпум'ёс ёз
куты.

Кужмо вал критика быр'ён-
ёслы дасяськонлэн ляб мы-
нэмез сярсь но. Куд-огез
первичной парторганизациос
быр'ён'ёслы дасяськонзэс
агитатор'ёс вис'янен быдтызы.
Вис'ям агитатор'ёссылэн уже-
нызы уг кивалто (Можторг).
Райком та'че парторганизаци-
ослэсь ужзэс ляб юалляз.

Парти рад туж каллен бу-
дэ шуыса коммунист'ёс вы-
ступать каризы. Парти радэз
бюджетыны районамы резерв
бад'зым. 1300 муртлэсь тырос
егит'ёс комсомольской орга-
низациын. Соос пöлысь 250
мурт мында переросток'ёс
луо ни. ВЛКСМ райком 40
муртэ ВКП(б) кандидатэ пыр-
тыны рекомендация сётыз, но
та дырозь 20 мурт гинэ пыр-
тэмын. Озы ик парти радэ
туж бжыт кутысько завод'-
ёсысь но колхоз'ёсысь ста-
хановец'ёс. Та'че ужюгду-
рез азылаынын шонертыны
курыса, коммунист'ёс райко-
мез заслуженно тышкасыкызы.

Собрание нимаз пусйиз
вредительстволэсь бервыл'ёс-
сэ каллен ликвидировать ка-
ремез. МТС, райзо, Заготзер-
но, кытын вредительство
укыргес ик бад'зым вал, ля-
быт ужало. Вредительстволэ-
сь бервыл'ёссэ татын дыг
быдто.

Районной газетлэсь но уж-
зэ ёз уш'ялэ. Партийной
улон газет бамын кытысь-
отие гинэ возьматыське. Га-
зетын уно политической ян-
гыш'ёс луо. Собрание ре-
дакцилэсь ужзэ умятыны
курнэ.

19 апреле ик жыт собра-
ние выль райком, ревкомис-
сия но областной партсо-
брание делегат'ёс быр'ыса
ворсасыкыз.

Берло, 17—19 мае сртчем, отчетно-выборной районной партсобра- циен ВКП(б) райкомлэн составаз быр'емын:

Брызгалов К. А., Коробей-
ников Н. Ф., Иванов М. П.,
Драгунов М. В., Денисов Б. А.,
Грачев А. П., Елифанов П. Г.,
Юшков С. И., Чернышев П. И.,
Калмыкова А. И., Загумен-
нов А. П., Бугров Н. Г., То-
пыркин Н. И., Соловьев А. И.,
Обухов А. П., Ельцов Я. И.,
Васильев Г. В., Наговицын,
Плехов И. П., Шишкина А.
Иванова А. А.

ВКП(б) райкомлэн бюроез:

Брызгалов, Коробейников, Грачев, Драгунов, Денисов, Елифанов но Иванов.

Райкомлэн секретарьесыныз юнматэмын:

Нырысетй секретарен Брыз-
галов К. А., кыкетй секре-
тарен Коробейников Н. Ф. но
куиньметй секретарен Ива-
нов М. П.
Кульпропен юнматэмын Юш-

Можгинской городской избирательной округ

„УДМУРТ“ заводьсь ужасьес, инженерно-технической ужасьес но
служащейёс РСФСР-лэн но Удмуртской АССР-лэн Верховной Совет'ёсазы
депутатэ кандидатэн выдвинуть каризы Удмуртской АССР'я НКВД-лэсь
начальникэ

Шленов Дмитрий Васильевичез

Собраннын 220 мурт вал

19 мае жыт 4 часын „Уд-
мурт“ заводлэн кубаз пред-
выборной собрание ортчиз.
Речен выступать карись зав-
комлэн председателез Икон-
ников шуиз:

— Мон РСФСР-лэн но Удмурт-
ской АССР-лэн Верховной Со-
вет'ёсазы депутатэ кандидатэн
родинамылэсь верной пизэ,
1917 ар тырисен улонзэ жа-

лятэк, жадёнэз тодытэк контр-
революциен трудящейёслэн
шудо улонзы понна нюр'ясы-
киез Удмуртской АССР'я
НКВД-лэсь начальникэ Шле-
нов Дмитрий Васильевичез
выдвигать карисько.

Шленов эшлэсь биографи-
язэ вераса заводлэн директо-
рез Драгунов эш выступить
кариз.

Драгунов эшлэсь верамзэ
ужасьес кужмо кичапкон'ёсын
пумитазы.

Собрание огкылйсь РСФСР-
лэн но Удмуртской АССР лэн
Верховной Совет'ёсазы депу-
татэ кандидатэн Шленов
Дмитрий Васильевич эшез выд-
винуть карыны постановить
кариз.

Стеклозаводской избирательной округ

„Свет“ заводьсь ужасьес, инженерно-технической ужасьес но слу-
жающейёс РСФСР-лэн но Удмуртской АССР-лэн Верховной Совет'ёсазы
выдвинуть каризы

Дмитрий Васильевич Шленовез но Кузьма Александрович Брызгаловез

Собраннын 290 мурт присутствовать каризы

Заводлэн технорукез Коро-
лев Ал. Гр., партийнойтэм,
РСФСР-лэн Верховной Со-
ветэ депутатэ кандидатэн Шле-
нов Дмитрий Васильевич
эшез но Удмуртской АССР-лэн
Верховной Советаз депутатэ
кандидатэн Брызгалов Кузьма
Александрович эшез выд-
винуть кариз.

Со вераз:
— Шленов эш большевист-
ской партилэн преданной чле-
нэз. Контрреволюциен нюр'ясы-
коннын солэн партия но прави-
тельство азын заслугаосыз

бад'зымесь. Берло дыре со
(1936 арысен) У д м у р т и н с л а в н о й
НКВД орган'ёсын кивалтыса
ужа. Асьмелэсь, трудящейёс-
лэсь, интерес'ёсмес со шонер
защищать кароз.

Брызгалов эш испытанной
парти член, Со вань кужымзэ,
тодмзэ сгранамылэн юнманэз,
трудящейёслэн зажиточной но
шудо улонзы понна сэтэ. Али
со асьме районьсь ВКП(б)
райкомлэн нырысетй секрета-
реныз быр'емын.

Шленов но Брызгалов эш'

ёсты выдвигать карыса ась-
меос эшшо одйг пол партилы,
советской правительстволы
преданностьмес возьматомы.

Ужасьёслэн, ИТР-лэн но
служащейёслэн общой соб-
ранизы Шленов эшез РСФСР-
лэн Верховной советаз быр'-
ён'ёс'я Можгинской округын
но Брызгалов эшез Удмурт-
ской АССР-лэн Верховной Со-
ветаз быр'ён'ёс'я Стеклозавод-
ской округын баллотироваться
карыны согласие сётэмзэс куро.

Пролетарской столицаысь предвыборной собраниосын

Москвысь Сталинской избирательной округ

Автомобиль'ёсыз электро-
оборудовать карон, транс-
форматорной, ламповой, ма-
шиностроительной завод'-
ёсысь рабочийёслэн, инже-
нер'ёслэн, техник'ёслэн, слу-
жающейёслэн объединенной
предвыборной собраниязы
РСФСР-лэн Верховной Со-
ветаз депутатэ кандидатэн
**Иосиф Виссарионович
Сталинэз**
выдвинуть каризы.
Собраннын 25 сюрс мурт
участвовать кариз.

Москвысь Л. М. Кагано-
вичлэн нимыныз нима про-
жекторной заводьсь но элект-
ромоторной заводьсь тру-
дящейёс предвыборной со-
браниязы РСФСР-лэн Вер-
ховной Советаз депутатэ
кандидатэн И. В. Сталин
эшез выдвинуть каризы.

Москвысь Молотовской избирательной округ

Клара Цеткинлэн нимыныз
нима Москвской заводьсь
рабочийёс, инженер'ёс но слу-
жающейёс предвыборной соб-

раниязы РСФСР-лэн Верхов-
ной Советаз кандидатэн ог
мылкыдэн.

Вячеслав Михайлович Молотов

эшез выдвинуть кариз.
Собраннын 5000 мурт при-
сутствовать кариз.

„Манометр“ заводьсь но
„Точизмеритель“ заводьсь
трудящейёс предвыборной со-
браниязы В. М. Молотов эшез
РСФСР-лэн Верховной Со-
ветаз депутатэ кандидатэн выд-
винуть каризы.

И. В. Сталин но В. М. Молотов

эш'ёс Грузинской ССР-
лэн Верховной Советаз
депутатэ баллотиро-
ваться карыськыны
согласизэс сётызы

Тбилиси. Тбилиси городьсь
1 номеро Ленинской избира-
тельной округьсь 1500 мурт
общественной организациос-
лэн но трудящейёслэн обще-
ствооссылэн представительёс-
сы 9 мае предвыборной
окружной совещание люкасы-
кыса Иосиф Виссарионович
Сталинэз, Грузинской ССР-
лэн Верховной Советаз депу-
татэ быр'ёнын асьсэлэн
округазы баллотироваться
карыны курсы обращение
гождызы. 11 мае ивор бась-
тэмын, что Иосиф Виссарио-
нович Сталин Ленинской из-
бирательной округын балло-
тироваться карыны согласизэ
сётыз. Озы ик, Вячеслав
Михайлович Молотовлэн Тби-
лиси городын 8 номеро Ста-
линской избирательной округ-
ын баллотироваться карысь-
кыны согласизэ сётэмез сяр-
сь но ивор бастэмын.

Уйин ивор бастэм бере-
ик, Тбилисиысь данаказ пред-
приятносин трудящейёслэн
уно калык'ем митинг'ёссы
вал. Отын Сталин эшлэсь но
солэн матысь соратникэзлэсь
Молотов эшлэсь Ленинской
но Сталинской избирательной
округ'ёсын баллотироваться
карыськыны сётэм согласизэс
пöсь мылкыдын пумитамын.

Выступать карисёс асьсэ-
лэсь шумпотэмзэс верало,
что сясыкысысь ордено-
ной Гузиысь трудящейёс
коммунист'ёслэн но беспар-
тийнойёслэн непобедимой
сталинской блокенызы вань-
зы ик родной Сталин но со-
лэн верной соратник'ёсыз пон-
на сгранамылэн, верной пио-
сыз но ныл'ёсыз понна голо-
совать карозы.

11 мае Тбилиси городьсь
Ленинской округлэн избира-
тельной комиссиез Грузин-
ской ССР-лэн Верховной Со-
ветаз депутатэ быр'ыны кан-
дидатэн Иосиф Виссарионович
Сталинэз зарегистрировать
кариз.

Тбилиси городьсь Сталин-
ской избирательной округлэн
окружной избирательной ко-
миссиез Грузинской ССР-лэн
Верховной Советаз депутатэ
быр'ыны кандидатэ, Вячес-
лав Михайлович Молотовез
зарегистрировать кариз.

Шовертон

16 мае поттэм 30 номеро
„Ленин'я“ газетын „РСФСР-
лэн но Удмуртской АССР-лэн
Верховной Совет'ёсазы быр'-
ён'ёс понна участковой изби-
рательной комиссиосы юн-
матон сярсь“ райисполком-
лэн постановленияз Чебер-
шурский избирательной
участоклэн членэныз (райис-
полкомлэн оригиналэз янгы-
шен) Каишева Александра Ан-
дреевна гождэмын. Лыд'зоно:
Акатьева Агафия Андреевна.

Советской союзын

Ерат братсэ воштыны лыктэ

БИРОБИДЖАН, 12 мае. №-ской пограничной частын аслаз боевой постаз Удмуртской АССР-ыс Сюмси районысь лыктэм Красноармеец Акатьев быриз. Частысь командование, кытын комиссарен Новиков эш луэ, май толзе Удмуртской АССР-ыс Сюмси районысь колхозник лэзь боевой постын бырем братэзлэсь Акатьев Викторлэсь письмо басьтэмын.

—Тилесътыд туж курисько монэ ОКДВА-лэн радаз принять карыны—шуыса гожтэ Виктор Акатьев.—Мон винтовкаез но пулеметэз изучить кари, али „Готов к труду и обороне но „Готов к противовоздушной но химической оборонаны“ кыкетй ступень значоклы нормаос сётыны даскысьско. Мон Краснознаменной Дальне-Восточной Армилен рад'эсаз султыны дась. Братэ сямен ик мон но Советской границамес тушмон'эслэн нападенизылэсь стойко но мужественно возымало.

(13 мае потэм „Правда“ газетсы.)

Сметанин эш директор

СССР-ыс Верховной Советлэн депутатэз, стахановской днженниын одигез инициатор Н. С. Сметанин Ленинградсы „Скорород“ фабрикалэн директорезлэн заместителез вал. Али со директоре назначить каремын.

Нылпиослы санатория

Одесса доры Люстдорфе костной туберкулёзэн висерисёсты эм'яны виль санатория лэсьтэмын. Санатория 250 нылпиослы расчитывать каремын. Икне нырысь партия вуоз.

Анри Барбюс

(ВОРДСКЕМ ТЫРИСЬТЫЗ 65 АР ТЫРМОНЛЫ)

Анри Барбюс—знаменитой французской писатель, коммунист, ужась класслэн ужез понна пламенной бореценыз вал. Солэн вордскем дырысеныз туэ 17 мае 65 ар тырмиз.

Мир но социализм понна пламенной борецез—Анри Барбюсэз, фашистской мракобес'эс адзонтэм каро вал. Соос травить карылды сое, боец—писатель вьлэ гнусно клеветать каро вал. Нош тушмон'эслэн со травлязы но, клеветазы но, Барбюсэсь боевой духэз өз чыгтэ.

Амстердамын, Барбюслэн кивалтэмез'я 1932 арын антивоенной конгрес ортче. 1935 арын Анри Барбюс писательлэсь культуразе защитат карон конгрессеэ организоват карыса Парижын ортчытэ. Конгресс'эсын со, культуразы бырон ваис фашизмлы пумит пур'аськон понна огазельскыны отыса, быдэс дуннеысь вань передовой интеллигенция шоры вазиське. Антифашистской кужым'эсты, огазельскыны напряженной уж нуэменыз Чош ик Барбюс туж кужмоесь литературной произведенийс кылдыт'я.

Аслэстыз талаатливой перозэ Барбюс ужась класс понна службае сётиз, солэсь интерес'эссэ жад'эссэ тодытэе защитат кариз. Берлоеныз солэн произведенийс бы-



Анри Барбюс

дэс дунне азын тодмо луэм книгаез „Сталин“ луиз. Та бад'зым воодушевлениен гожтэм книгаыз Барбюс бад'зым яратонэн возматиз вождьлэсь но быдэс дуннеысь трудящой'эслэн другылэсь образэ.

„Адамиез, кудиз вамен виль дунне усьтыське.“
Та книгаын Барбюс суредэз Ленинлэн — Сталинлэн партиезлэн славной сюресэзлэсь основной вех'эссэ, Ленинлэн верной соратникезлэсь — Сталин эшлэсь героической

биографизэ, партилен но ужась класслэн тушмон'эсыныз солэсь нюр'яськемзэ. Ленинлэн верной последователезлэсь соратникезлэсь — великой Сталинлэсь образэ туж бад'зым кужымен суредэз. Барбюс гож'яз: „Ленин улэ вотькытын, кытын революционер'эс вань. Но вераны луэ: Ленинлэн кылыз но мыслэс, нокин бордын но Сталин бордын кадь воплощенной ов'ол. Сталин—со туннэ Ленин.“

„Сталин“ книга Советской Союзэз, солэсь калыкэз зырдыт яратонэн проникнуть каремын. Со книга быдэс дуннеысь трудящой'эсты коммунизмлэн знамя улэз оте но социализмэсь страназэ ас тушмон'эсызлэсь защитат каронэ оте.

Дано писатель—французской калыклэн верной приэз, мировой коммунистической армиялэн пламенной боецез—Анри Барбюс, 1935 арын 30 августэ Москваын кулиз.

Кашен, Торез, Кутюрье эш'эслы ыстэм телеграммалэз, Анри Барбюс кулэм пумысь, Сталин эш гожтыз.

„Солэн улэмез солэн нюр'яськемез, солэн чайниосыз но перспективаосыз, человечествоез, капиталистической рабствомыс мозмыскытон понна нюр'яськоньин, быдэс дуннеысь трудящой'эслэн егит поколениянызы примерен послужить мед кароз“.

Асьме районын

Колхозной электростанция

Н.-Вишур сельсоветсысь „Гигант“ колхоз туэ кооперацилы мултэс няньзэ вузаса двигатель но динамо басьтиз. Али колхозын двигателез установить карон мынэ. Жоген колхозын электротоклэсь пул пилен ужаны кутскоз но колхозник'эслэн коркаоссы югдытскозы. Гужем электричество кужымен кутсаьскон машинаос ужалозы.

Мамыко кролик'эс

Туэ асьме районэ нырысьсэ мамык сётись (пуховые ципанцы) кролик'эс ваемын. Та кролик'эс Б.-Пудга сельсоветсысь „Молодые ребята“ колхозэн кролик вордон фермазэ ваемын. Кролик'эс колхозлы нырысь 3—4 толэзьёсы ик доход сётычы кутскизы Кролик мамыклэсь лэсьтэм берет'эсты колхоз 560 манетлы вузаз, нош асьсэос кролик'эс 500 манетэз гинэ басьтэмын. Та кролик'эс умой утялтыку колхозлы бад'зым доход сёто.

Трудоденьесты уг

гож'яло

Р.-Си бы сельсоветсысь „Красная звезда“ колхозын колхозник'эслэн трудовой книжкаосазы трудоденьэс быдэс толэзь чоже гож'ямтэ. Колхозник'эс уг тодо, кудмында трудодень соос заработать каризы кизён дыр'я.

Таке ужюгдур сельхозартельлэсь уставзэ нарушат карем луэ, нош райЗО таке факт'эсын уг нюр'яськы но уставез тйясьёсты ответственность улэ уг куты.

Филатов.

Парзэс гыро

Трактор коммуна тулыс кизёнзэ быдэстэм бере эркын ужась кужымзэ пар гыронэ кутыз. 18 майлы гыронзы жыныезлэсь уноез быдэстэмын вал ини. Матысь нунал'эсы коммуна гыронзэ быдтоз но кыед поттон борды кутскоз.

Бузанов.

Н.-Вишур сельсоветсысь „Гигант“ колхоз озыы ик матысь нунал'эсы пар гыронзэ быдтоз. Колхоз пар гыронэч чош кыед но поттэ. Григорьев.

Агитатор Ситников

Б.-Уча районысь, Пазял жикья сельсоветсысь, „Шонер сюрес“ колхозысь агитатор Ситников кизён дыр'я одиг нуналы но агитационной ужэ өз дугтылы. Кысыоз газет'эсын, быр'ён'эс сярсысь закон'эсын, Конституциосын сое котькуд нуналэ гырысьёс, кизисьёс, но усыясьёс дорысь адзэно вал. Умой пуктэмын быр'ён'эслы дасяьскон уж та сельсоветсысь мукет колхоз'эсын. Бригадалы быдэ кружок'эс кылдытэмын, но вис карытэк арнялы быдэ занятиос ортчыт'яло. Антонов.

Александрова уг ужа

Пычас районыс, Индюковской сельсоветсысь „Гордошур“ колхозын агитаторен Александрова Анна юнматэмын. Александрова колхозник'эслэсь довериез но куремзэс оправдывать уг кары, но кыче валэктон уж уг нуы. Быр'ён'эслы дасяьскон'я но кыче валэктон уж нуымтэен уноез колхозник'эс уг тодо, ку луозы РСФСР-лэн но УАССР-лэн Верховной Советазы быр'ён'эс.

И. К.

УАССР-лэн Верховной Советэзлэн правосыз но обязанностьессыз

Удмуртской республикалэн государственной властеэзлэн высшой органэз Удмуртской АССР-лэн Верховной Советэз луэ. Тае Удмуртской республикалэн Конституциез определить каре.

„Удмуртской АССР-лэн Верховной Советаз республикамыс гражданд'эсын быр'ён округ'эс'я 4 ар чожегы таке нормаен бырыськы: 7500 мурт н'ылысь одиг депутат“ (УАССР-лэн Конституциезлэн 21 статьяез). Удмуртской АССР-лэн Верховной Советаз быр'ён'эс республикамыс 142 округ'эс кылдытэмын. Озы УАССР-лэн Верховной Советаз 142 депутат быр'емын луоз. УАССР-лэн Верховной Советаз депутатэ кандидат'эс выставить карыны общественной организациослы но трудящой'эслэн общественноосылы право обеспечивать карыське.

СССР-лэн Конституциезлэн проектэз сярсы совет'эслэн Чрезвычайной VII-тй Всесоюзной с'ездазы лэсьтэм докладаз Сталин эш шуиз:

„Наконец, быдтыны кулэ сыче положениез, кукэ одиг кыче ве орган законодательствовать уг кары, нош данае орган'эс каро.“

Таке положение закон'эслэн стабильностьсылэн принципезлы пумит луэ. Нош закон'эслэн стабильностьсы асьмелы табере вотькудэс но юнгес кулэ“.

Та сыче положениы пум понэ, кукэ асьме республикамылэн закон'эсыз Удмуртиысь совет'эслэн

с'ездэнызы, Удмуртской АССР-лэн Центральной Исполнительной Комитетэныз, солэн президиумыныз но УАССР-лэн Совнаркомэныз кутыське вал. УАССР-лэн Конституциез'я „Удмуртской АССР-лэн Верховной Советаз Удмуртской АССР-лэн единственной законодательной органэз луэ“ (УАССР-лэн Конституциезлэн 20 статьяез).

Закон юнматэмен соку лыд'яське, если со большинство голос'эс'я УАССР-лэн Верховной Советэныз кутэмын.

УАССР-лэн Верховной Советэзлэн сессиез УАССР-лэн Верховной Советэзлы таке составен президиум быр'е: Президиумлы председатель, солы кык заместитель'эс но президиумлы 12 член'эс. УАССР-лэн Верховной Советэзлэн сессиез арлы кык пол люкаскылэ. Внеочередной сессиез президиумлэн, яке УАССР-лэн Верховной Советэзлэн депутат'эсызлэн одиг кунимыос люкетэзлэн куремез'я люкаско,

„Удмуртской Автономной Советской Социалистической Республикалэн Верховной Советэзлэн президиумез:

- Удмуртской АССР-лэн Верховной Советэзлэсь сессиезэ люкалэ;
- Удмуртской АССР-лэсь закон'эссэ валэктон (толкование) сётэ, уваз'эс издавать каре;
- вань калыклэсь юан (референдум) ортчытэ;
- Удмуртской АССР-лэн Народ-

ной Комиссар'эсызлэн Советсылэсь пунктэм'эссэ но распоряженнось, нош озыы ик Удмуртской АССР-ыс ужаса улысьёслэн депутат'эсылэн районной но городской совет'эсылэсь решениоссэ но распоряженноссэ, соолэн законлы тупамтэзы дыр'я, отменять каре;

д) Удмуртской АССР-лэн Верховной Советэзлэн сессиезсыз куслын Удмуртской АССР-лэн Народной Комиссар'эслэн Советсылэн председателеныз чектэм'я Удмуртской АССР-лэсь кудзэ-огзэ Народной Комиссар'эссэ ужысь мозмытэ но уже назначить карылэ, собере сое Удмуртской АССР-лэн Верховной Советэзлы юнматэны сётэ;

е) Удмуртской АССР-лэсь почетной званиоссэ присваивать каре“ (Удмуртской АССР-ысь Конституциэлэн 29 статьяез.)

УАССР-ысь Верховной Совет Удмуртской республикалы правительство — Удмуртской АССР-ысь Народной Комиссар'эслэсь Советэс образоват каре, кудиз СССР-лэсь, РСФСР-лэсь но УАССР-ысь Народной Комиссар'эслэсь Советэс образоват каре, кудиз СССР-лэсь, РСФСР-лэсь но УАССР-лэсь закон'эссэс быдэс'я но соолэн закон'эсыя постановлениос, распоряженнось издавать каре но соолэсь быдэсэмез эскере. Совнарком Удмуртской республикамыс государственной властеэзлэн высшой исполнительный но распорядительной органэз луэ.

Вань аслаз деятельностью со УАССР-лэн Верховной Советэз азын ответственной но солы подотчетной.

Удмуртской республикалы Конституция установить карыны но солэсь быдэсэмезэ контролировать карон УАССР-лэн Верховной Советэзлы принадлежат каре. Конституциын воштылон'эсты ортчытыны УАССР-лэн Верховной Советэз гинэ быгатэ.

УАССР-ысь Верховной Совет республикамыс районной делениос но район'эслэсь но город'эслэсь границаоссэ устанавливать каре. Вань та решениос РСФСР-лэн Верховной Советаз утверждаться карыськыны сётисько.

Верховной Советлэн веденияз озыы ик относиться карысько: УАССР-лэн законодательствозе, государственной породокез но гражданд'эслэсь породокезэс охрана УАССР-лы бюджет юнматон, СССР-лэн но РСФСР-лэн законодательствозе'я государственной но местной налог'эс, сбор'эс но пеналоговой доход'эс установить карон; страховой но сберегательной ужен кивалтон, промышленной, сельскохозяйственной, вузкарысь предприятиосын но республиканской значенной организациосын управаить карон.

УАССР-лэн Верховной Советэзлэн обязанностыз пыре муз'емен, недраосын, ньюлэс'эсын но вуосын поль-

зоваться карыськон порядок тупатон; жилищной но коммунальной хозяйствозен кивалтон; жилищной строительствозе; город'эсты но республикамылэсь мукет интыоссэ благоустроить каронэн кивалтон; сюрес лэсьтонэн кивалтон; местной транспортэн но республикамысытмы сюреслэн кивалтон.

Властеэзлэн высшой орган'эсыз но государственной управленилэн орган'эсыз СССР-лэсь но РСФСР-лэсь труд сярсы законодательствозэ быдэсэмезэ контролировать но наблюдать каро.

УАССР-лэн Верховной Советэзлэн веденияз озыы ик республикамылэн мукет важной ужпум'эсыз относиться карысько: здравоохранение ужпумен, социальной обеспечение ужпумен, начальной, средней образование ужпумен кивалтон, высшой образование ужпумезэ контролировать карон но наблюдать карон, культурно-просветительной, научной организациосын но учреждениосын кивалтон, физкультура но спорт ужпумен кивалтон но организовать карон.

Сыче правос но обязанностьэс сётэ Удмуртской АССР-лэн Конституциез асьмелэн Автономной Советской Социалистической Республикамылэн Верховной Советэзлы.

Редактор Я. И. Ельцов. Поттысь Райисполком.